

Putnengia – casti e ruina

Excursiun allas ruinas dil casti da Putnengia e sils fastitgs da Pieder de Puntengia e dalla fundaziun dalla Ligia Grischa avon 600 onns.

Tujetsch alla fin dil 12avel tschentaner

Partenza/emprema staziun

Transit e vias

Punt veglia sul Rein da Giuv

La via atras la val e sul cuolm che sesparta cuort suenter Dieni en duas direcziuns

La via da funs en sur Selva – Tschamut – Pass Alpsu

La via suren sur Milez – Scharinas - Val Val – Pass Tiarms – Pass Alpsu.

Treis punts

- Punt veglia per la via veglia tochen 1863

- Punt dalla via nova eregida 1863

- Punt dalla Viafier Furca Alpsu/Matterhon Gotthard, eregida 1915

Empruar dir anavos el mund d'avon 600 onns

- Clima migeivel – cunfin d'uaul denter 1900 e 2000 m.s.m

- Uaul tochen sil Pass Alpsu

- La vart dretga scuvretga cun extendiu uaul sco oz

- La vart seniastra fuva cuvretga pli intesivamein cun uaul

- Sedrun cun la suleta baselgia dalla val documentada l'emprema ga igl onn 1205 en ina notizia egl urbari da 1456. Ella ei adina stada baselgia dalla val e parochiala

- L'emprema caplutta ei documentada en in document digl onn 1368, numnadamein a Flurin-Sura sur Rueras

- Igl onn 1491 retscheivan ils vischins da Rueras lur caplutta

- El 16avel tschentaner vegnan las capluttas da Tschamt (hospezi) e Camischolas (rehs purs e signurs) bageghiadas

- El 17avel vegnan tschun capluttas construidas e la parochiala reconstruida igl onn 1691

- Treis autras vegnan baghegiadas el 18 e 19avel tschentaner.

Secunda staziun

Colonisaziun dalla val

- L'urbarisaziun seconcentrescha sil temps mediaval. La val ei vegnida colonisada essenzialmein dil temps medieval tumpriv (476 – 1000 s. C.) entochen il temps medieval tardiv (1250 - 1500 s. C.). Quei vul dir, ils vitgs el vonn grond dalla val da Dieni a Bugnei denter il 9 e 12avel tschentaner.

- Il territori el vest dalla val, dadens igl uaul Tschuppina (Dadains gl'uaut), il secund vonn da Selva ed il tierz (Prau Mulins/Mühlematt) da Tschamut culs aults da suro vegnan colonisai el 12/13avel tschentaner

- La cultura da viver fuva quella dils hofs, beins, uclauns e vitgs. Pér el 17 e 18avel tschentaner bandunan ils habitonts ils numeruas uclauns e secasan giu els vonns dalla val, ella vischinonza dalla via dalla val ed ella vischinonza da capluttas e baselgias.

Diember da habitonts: denter 300 e 500, oz cun 11 vitgs ed ucaluns rodond 1200 habitonts indigens.

La situaziun historica da Tujetsch

- Ei dat negins fastitgs prehistorics
- Drusus e Tiberius, sin camond dad imperatur Augutus, conquistan la Rezia igl onn 15 avon Cristus.
- Ella val dat ei neginas perdetgas dalla preschientscha dils Romans en nossa val. La traversala ost vest fuva buca impurtonta pils Romans en cumparegliaziun cun las ruttas da sid el nord e cuntrari el Grischun e Valleis.

Documentau

- L'emprema menziun dalla val ei igl onn **1205** cun la baselgia da s.Vigeli a Sedrun egl'Urbari dalla pleiv da 1456
- La vischnaunca ei l'emprema gada documentada en in document da **1237** entras in «Willhelmus» da Tujetsch sco perdetga. (*Die ersten urkundlichen Belege für das Tujetsch sowie auch für das Urserental stammen aus dem 13. Jahrhundert. 1237 ist ein „Willihelmus de Tiuesch“ erwähnt in Bündner Urkundenbuch II, S. 211. „Willihelmus“ ist Zeuge in einem Gütertausch des Klosters Disentis mit dem Kloster Riiti. - Martin Bundi- Zur Besiedlung der obersten Stufe des Vorderrheintales, 2000*)

- Ella val habitavan ils subdits dalla claustra ed ils libers che s'udevan giuridicamein alla cuminonza dils Libers da Laax.

Sedrun daventa il liug principal dalla val muort la baselgia dalla val cul santeri per l'entira vallada. La val ha adina formau ina cuminonza, ina vischnaunca dils "vicini de Tivez", ils vischins da Tujetsch.

Rueras fuorma beingleiti il secund grond vitg cun sia caplutta da 1491. Dil temps dil casti da Putnengia e gia avon fuva Rueras in Meierhof per la claustra da Mustér. Leu viveva il «meier», la persuna ufficala dalla claustra per incassar la dieschma dils subdits. Ils libers purs ella val che stevan sut la giurisdicziun dils Libers da Laax fuvan libers dalla dieschma.

Igl onn 1368 plaida in document digl'emprem mistral dalla Cadi, numnadamein Ulrich Barlotdt da Mustér. Il process per dapli libertad fuva en cumplein moviment ed aschia era l'entschatta dalla deliberaziun dalla dieschma. Las alps da Tschamut, Val Val e Val Giuf ein tochen 1861 stadas en possess dalla claustra.

Tiarza staziun

Documentaziun dalla val

L'entschatta cun ina documentaziun dalla val dat pader Placi a Spesch gia igl onn 1806. Sia descripziun dalla val ei grondiusa e da gronda valeta per la val, sche buc il megl'ier ch'ei dat inumma. En sia descripziun ha el risguardau tuttas spartas pussevlas dalla val: historia, fauna e flora. Il sistem politic, ils habitonts,

La publicaziun historica «Die Talgemeinde Tavetsch 1898» da Giachen Hasper Muoth presenta 66 vitgs, uclauns e beins che fuvan zacu habitai egl'intschess dalla val. El interpretescha e giudichescha numerus documents dalla val.

Pader Baseli Berther da Dieni, cuntinuescha da nudar la historia dalla val all'entschatta dil 20avel tschentaner. Sco indigen ha el giu ses avantatgs ed ins ha legiu el fetg stedi.

Ei suondan in Walter Leeman, Walram Derichsweiler, ils onns 1990 Guido Decurtins e Gieri Venzin cun aunc biars auter entochen al di dad oz.

Tujetsch ei ina dallas vischnauncas grischunas ch'ei documentada grondiusamein.

Embrugls ed eveniments guerrils en vischinonza dil casti

Igl onn 1333 ha giu liug in cumbat dalla claustra encunter ils Uranès sil Pass Alpsu. Leu ha giu liug ina battaglia tenor il sistem da Morgarten giud las spundas dalla Vagliauna.

La situaziun da quei temps: Igl onn 1323 occupeschan ils Uranès Ursera. Ei suonda in camond digl avat e signurs da Sax-Mesauc als d'Ursera da bloccar la via sul Gottard. La claustra sepeina per ina uiara per survegnir anavos Ursera. Truppas digl Uri, ils da Vaz e Confederai cumbattan la truppa dalla claustra sil Pass Alpsu igl onn 1333. La claustra ed ils alliai piardan 200 (autras fontaunas 500) schuldada, ils Uranès mo 50 vulnerai. Il capitani dalla claustra ha stuii vegnir cumpraus libers per 1000 funs.

Igl atun digl onn 1936 ei vegniu anflau muneidas en tschaler dalla casa da Duri Battesta Venzin a Rueras sper baselgia. L'anflada ei documentada sut „Münzfund von Rueras“ cun las 4 muneidas d'aur e 25 d'argien. Las quater muneidas las pli impurtontas e da valeta ein

- Treis flurins d'aur (Florentiner) dil 14avel tschentaner. Ils segns, seniester dil tgau da sogn Gion, muossan la battida dil
- (1) meisterculader Lapo di Ghino, 1310, emprema mesadad;
- (2) da Tano Baroncelli, 1313 e da
- (3) da Donato dell'Antella, 1327

La tradiziun raquenta ch'in cussadent da quella casa hagi stuii serender al cumbat sil Pass Alpsu ed hagi avon ch'ir zuppau sia facultad el mir da siu tschaler. El ei carteivel buca returnaus ed ils ses veva el buca giu informau dil lagungn dil scazi.

Il crapun sil crest el nord dil casti veva buca schurmegiau avunda il Giachen Martin Berther ed el vegn tuccaus mortalmein d'ina balla dils Franzos, l'emprema unfrenda ella Surselva. Igl onn 1799, ils 6 da mars, succeda, cun l'invasiun dall'armada franzosa, la pli tragica historia da sisum la Cadi. La retenida dils Franzos a Mustér ha la finala enormas consequenzas per la populaziun da Sur- e Sutsassiala. Tujetsch sto notificar 17 morts e lu aunc cun pagar e schar engular rauba en la summa totala da 450'00 flurins. La claustra e tut sia historia daventa in'unfrenda dallas flommas – era la nossa.

Dils Embrugls grischuns (1607/18 – 1639) ei Tujetsch staus schurmegiaus. Gieri Genatsch il herox da quei temps ha inaga dapli stuii scappar igl onn 1630 da ses inimitgs e quei dalla Surselva si tochen en Tujetsch per da leu fugir sul Krüzli vi egl Uri. Avon l'arrivada sil pass eis el denton vegnius calmaus anavos. Sin tut quei moviment guerril e silla smanatscha dalla reformaziun ha Tujetsch, sco era autras valladas sursilvanas, reagau cun baghegiar capluttas, aschia tschun ella val e reconstruii da niev la baselgia parochiala a Sedrun – ina demonstraziun dalla vart catolica.

Quarta staziun

Igl access el casti, baghetgs, annexs, mir circumdont

Documentaus vegn il casti per l'emprema gada igl onn 1300. Documentaus ei era l'existenza d'in mir da segirtad entuorn il casti, il pli savens ei il grep vegnius duvraus sco mir da resistenza.

Entrada el casti digl vest viers ost:

1. Mir da schurmetg / destruius entras las sondaziuns dalla NEAT ils onns 1970/1980, cun ina emprema entrada/portal
2. Emprem mudest foss da schurmetg e resistenza

3. Secunda entrada / portal
4. Foss da schurmetg grond cun mir ault/ crappa vargonta ora per buca saver reiver suren; il medem sistem dad impendir igl ascender ils mirs era sil grep da schurmetg
5. Mir entuorn entuorn – numnaus 1300
6. Portal principala cun punt sul foss
7. Dretg in emprem local; forsia per las armas
8. Il fundament dil casti fuorma il grep formaus dil glatscher dalla val e Val Giuv
9. Tuor da habitar, ca. 14 meters aulta / 4 alzadas
10. Mirs da crappa – giudem tochen 1.50
11. Entrada principala ella tuor el sid; entrada buca sco usitada ella ecunda ni tiarza alzada per segirtad encunter igl inimitg
12. Annexas el sid e plinengiu
13. La fassada el nord muossa in pign tochet da ligiadira originala e treis ruosnas per tener quaders per ina annexa.

Tgi ha construiu il casti?

Senza dubi fuvan quei specialist che serendevan sin damonda ed engaschi da liug tier liug ed eregevan sin gaivisch dils signurs proprietaris. Ils habitonts dalla val, ils subdits, stuevan silpli segidar cul transport da crappa e sablun, lenna e cun furnir la caltschina.

Enteifer tgei temps ei il casti staus habitaus? L'emprema menziun dils signurs da Putnengia succeda igl onn **1252** cun Wilhelmus de Putnengia. Il casti sez vegn menziunas per l'emprema gada el document da **1300**, „ante castrum Bultringen“.

Il casti vegn dataus dils umens dil fatg d'entuorn **1200**. Il davos dalla schlatta Putnengia vegn numnaus **1515** en Lumnezia. Igl onn **1368** vegn gl'emprem mistral numnaus ed entras il process per dapli libertad svaneschan era ils signurs administraturs dalla claustra. Aschia ei il casti staus habitaus da quei da rodund 200 onns e dapi lu maglia la natira vid las miraglias historicas.

Schebein il casti fuva habitaus sur onn ei grev da dir, tgunschamein mo il temps da stad, pertgei lu regeva il traffic tras la val enviers il Pass Alpsu ed en direcziun nord sid, la traversala Pass La Crusch – Lucmagn. Quella traversala ei stada impurtonta entochen l'erecziun dalla Punt dil Giavel, numnada l'emprema gada igl onn **1306**. Per far diever dallas vias vegneva incassau duana. La dieschma vegneva carteivel incassada dils subdits entras il “meier” a Rueras, in Meierhof.

Tschunavla staziun

Famiglia de Putnengia

La schlatteina feudala “de Putnengia” ei nudada l'emprema gada cun Wilhelmus de Putnengia igl onn **1252**.

La famiglia duei esser da derivonza gualsra cun sedia a Mustér (Casti da Chischlatsch) e steva en survetsch dalla claustra da Mustér sco administraturs.

Igl onn **1278** s'udevan Wilhelm de Putnengia e siu fegl Hugo tier quels nobels sursilvans che han agiu encunter la claustra.

1339 e **1369** funcziunavan Hugo ed Ulrich de Putnengia sco mistrals ad Ursera sin territori dalla claustra da l'auter maun digl Alpsu.

Igl onn **1391** fuva Heinrich de Putnengia administratur claustral

1397 sigilescha Ulrich de Putnengia a Trun pil pievel dalla Cadi.

1404 e lu danovamein **1438** ein commembers dalla famiglia mediatur.

Carteivel entras ina letg possedevan ils de Putnengia era beins ella Lumnezia,

Sia politica

Avat dalla abbazia da Mustér ei Pieder de Putnengia staus ils onns **1402 – 1438** e porta sco emprem avat il tetel da prenci-avat (Fürstabt).

El ha persequitau ina politica dalla pasch e d'agid vicendeivel. Cun siu sustegn ed engaschi persunal nescha ord la Ligia da Glion (era numnada da Ligia Sura) da **1395** la Ligia Grischa, ch'ei vegnida reafirmada a Trun sut igl ischi ils 16 da mars **1424**.

Relaziuns digl avat Pieder cun Uri ed Ursera

El intensivescha las relaziuns cun Uri ed il Pass Alpsu survegn entras quei dapli muntada. Igl onn **1404** ei en in contract vegniu decidiu da segirar la diagonala Domodossola – Pass s. Giacomo – Gottard – Alpsu encunter enguladetschs ed assagls. La claustra veva grond interess per ina traffic garantiu e segir. Ad Altorf cumpra avat Pieder ina tuor. Denton, el vegn buca dad engrondir massivamein sia influenza sin Uri. Il dretg da territori ch'el retscheiva per Ursera vegn limitaus igl onn **1407**. Il possess digl avat astgava buca varga 500 glivras ed en cass da carplinas astgava el buca clamar dertgiras jastras. Igl onn **1410** s'uneschan ils d'Ursera cun Uri cun in contract da dretg da territori.

Cun l'engrondaziun dalla Ligia Grischa obtegn igl avat dapli pussonza e forza anovians. Igl onn **1425** engiran ils avdontas dad Ursera obedientscha agl avat. Quei cumin descriva Giachen Casper Muoth en siu epos il Cumin dad Ursera cun 525 lingias. Suenter l'elecziun dil mistral stueva quel surdar agl avat da Mustér in pèr vons alvs sco segn d'obedientscha. Ils tscheins han ils habitonts stuiiu pagar vinavon ed il contract vala tochen igl onn **1649**. Quei onn secumpran ils Uranès libers da tuttas obligaziuns enviars la claustra. Regurdond vid quella part historia dad Ursera fa il mistral dad Ursera aunc oz part alla fiasta da s.Placi. Dil reminent san ils d'Ursera festivar in auter onn il giubileum da 500 onns dapi igl impurtont cumin da **1425**.

Cantada

Il cumin d'Ursera da 1425

da Giachen Casper Muoth, Breil

Ina loscha cavalcada,
Roscha ferma sco da guerra,
Pass' ils trutgs de Val d' Ursera :
Segner Pieder de Pultengia,
Igl avat de Desertina,
Va a pèr cun Clau Camengia,
Il massèr de gliet cumina,
E migiur de Hospental.
Quels suonda Gion Pultengia
Sco menader e mistral.
Segner Pieder sin viadi
Culla gliet dil vasalladi, -
Cumpognaus da quater paders,
Il capavels urentaders
Dellas caussas e fatschentas
Delicatas et urgientas,
Pertgiraus dals campiuns,
Sempels nobels e baruns.

...

Davos fastitgs dalla famiglia

1500 Pontaninger sesents en Lumnezia

1515 Junker Hans Pontaninger e dunna Ursula e mumma Tellya

Mumpe Medel ed ils nobels de Putnengia

Ella brev dils 23 da schaner 1402, vesan ins ch'igl entir territori da Mumpé Medel era en possess dalla famiglia ministeriala de Putnengia. Clausen de Putnengia fuva il bab digl avat Pieder e Cilia, sia sora. Ils dus artavels, avat Pieder de Putnengia e sia sora Cilia partan il territori. Il bein encunter sera dalla Via Imperiala retscheiva Cilia, la quala venda sia part ad Uolrich Barlotta, mistral 1368 – εμπrem mistral enconuschent dalla Cadi. Igl avat Pieder retscheiva la part encunter damaun dalla Via Imperiala nua ch'il casti da Chischlatsch sesanflava. La parcella d'avat Pieder resta tochen 1846 en possess dalla claustra.

Tenor scriver da Guglielm Gadola ei la sora d'avat Pieder de Putnengia stada la pli buna signura dil casti. Igl ei da gronda probabladad che avat Pieder e sia sora Cilia ein carschi si en quei casti.

Entras ierta d'avat Pieder de Putnengia ei il casti ius vi en possess dalla claustra da Mustér e sur ils onns ha il casti piars sia muntada. Ch'ei dat buca scartiras davart la muntada dil casti a Chischlatsch, ha probabel da far cun il fatg, ch'il casti era en possess dalla famiglia de Putnengia, ina famiglia ministeriala cun negina pussonza politica. Da quei temps eran las decisiuns politicas en cumpetenz dil prenci avat dalla claustra da Mustér.

Fontauna: G. Battesta Manetsch en *Mumpé Medel 2024*

Sisavla staziun

Intern dalla tuor

Cheu regia ina atmosfera ruasseivla ed ina energia emperneivla e cun empau fantasia san ins forsa sentir la historia vargada. Quei san ins era promover cun tucar en crappa dallas miraglias. Ina buna posiziun ei enamiz la tuor e sepudend esser persuls e la sera ni la damaun.

Entrada nova da 2015

Mirs giudem dad 1.20 – 1.50 m

El fons aunc ca. 90 cm tratsch che savess aunc schar vegnir neunavon interessantas anfladas historicas

Ruosnas els mirs e sems indicheschon las quater alzadas

Ovra da sittar egl ost, dalla vart encunter la via sul pass cun probabilitad d'ina attacca guerrila

Encunter nord egl ault ina finiastra ch'ei pli tard vegnida serrada si

Projects da sanaziun dil casti e sias ruinas

Igl onn 1997 succeda la fundaziun dil Forum cultural Tujetsch FcT

Finamira principala dil FcT ei la perscrutaziun, sanaziun e reconstrucziun parziala

dil casti da Putnengia. Cun publicaziuns e guidas vul il FcT, en rama da

TujetschVIVAcultura, far enconuschent alla populaziun e hosps la historia da quella ruina.

Emprema etappa da lavur igl onn 1999

Duront la secunda etappa succeda il megliurament dil contuorn ed intern dalla tuor sco era las parts dils mirs giudem dalla tuor

Tiarza e davosa etappa igl onn 2015 cun Felix Nöthiger, reconstrucziun dalla cantunada nord/ost, sanaziun dallas miraglias egl ost e vest dalla tuor ed entrada nova

Project actual

Construcziun d'ina tuor da lenn sils existents mirs (tuor da protecziun). Execuziun tenor stan dalla finanziaziun. Las lubientschas e damondas ein tuttas avon maun.

Per igl onn 2025 ei previu

Fixar e marcar la senda al casti

Tablas cun informaziuns

Activar cun guidas

Silla tuor ina bandiera cugl uoppen dalla famiglia de Putnengia/Tujetsch

Uoppen de Putengia = Uoppen da Tujetsch

Igl uoppen dalla vischnaunca ei in ligiom restont cul casti e ruina da Putnengia, cun las restonzas e las miraglias veseivlas a Dieni. Igl onn **1939** ei la vischnaunca stada representada cugl uoppen dils de Putnengia alla exposiziun naziunala a Turitg. Cugl onn **1947** ei igl uoppen daventaus officials per Tujetsch. Igl uoppen original sesanfla ella sala da dertgira ella Cuort Ligia Grischa a Trun. Egl original ei la punt denter las duas tuors empau pli cuorta.

Intermezzos

Detgas en connex cul casti

La caura dad aur enasi Putnengia

Ina sera da stgir miravan treis frars da Rueras orda finiastra e lura han ei viu ina caura dad aur che tarlischava sco ina cazzola si spel casti da Putnengia. Sin quei ein ei i per pigliar ella, mo han viu nuot pli. - Quei era in scazi zuppau, ed ins stueva ver ina certa caussa per vegnir vitier.

Il saczi da Putnengia

Allas dudisch per Nadalnotg semuossa in custeivel scazi en la tuor da Putnengia; mo quel ei fetg grevs da survegnir, pertgei in sgarscheivel tgaun ner cun egl da fiug sesa sin el.

Las vaccas da Putnengia

Ei fuva il di avon Sogn Placi, ch'in pur vegneva ina clara e biala sera en encunter Selva. Arrivaus dadens Dieni aud'el in grond scadenem da tiers. El mira giu e vesa entuorn las ruinas da Putnengia in rosch vaccas, che pasculavan per ils praus aunc buca fenai entuorn. Igl um saveva buca capir quei e vegn perquei en gronda tema. Spertamein va el a casa, mo cura ch'el ei lauter di turnaus orda Selva, vesa el per siu grond smarvegl ils praus da Putnengia en flur sco avon e negin havess encurschiu, ch'ei fuss stau en tiers.